



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Dubium IV. De præscriptione contra Ecclesias, ac earum bona.

---

[urn:nbn:de:hbz:466:1-73001](#)

perseveret, veteri Ordinario illos ad suam jurisdictionem non repetente, sed tacente (etiam Sede non vacante) territorium illud contra tacentem præscribit sic, ut deinceps non ad veterem Dicecesin, sed præscribentis pertineat; quod obtinere potest in casu, quo terræ fidelium, temporum, aut bellorum iniuitate, per Turcas, vel Hæreticos abreptæ; ac à debita subjectione, & vera fide alienatæ, justis Catholicorum Principum armis recuperantur. Dixi: *Sede non vacante*; nam vacante Sede contra illam non curreter præscriptio, ut dicemus inferius. Unde etiam in ipso textu insinuatur, quod diætæ præscriptioni non esset locus, si etiam talis loci hominibus à vera fide lapsis ipse Episcopus ab eadem defecisset, nisi postquam talis Episcopus ad fidem Catholicam revertens, ex die, quo conversus est, intra triennium eos homines, qui ad Cathedram ejus pertinebant, non revocaret.

## D U B I U M IV.

*De præscriptione contra Ecclesiæ, ac eærum bona.*

<sup>2432.</sup> Ex dictis constat, res mobiles Ecclesiæ, etiam Romanæ, præscribi triennio suppositis cæteris conditionibus ad legitimam præscriptionem requisitis; ratio sumitur à n. 2400. quod à fortiori procedit, etiam de Monasteriis, & locis cæteròquin privilegiatis in n. 2428. Constat 2. res immobiles, etiam Ecclesiæ Romanæ inferiorum, & non exceptarum Privilegio, quæ privilegiatae non sunt, non præscribi tempore longo, seu Ordinario, sed solum longissimo 40. annorum ex n. 2426. & hanc sufficere, sed juxta dicta à n. 2429. non autem minori, extra casum, de quo n. 2430. & seqq. Beneficia verò possessione triennali, juxta explicationem regulæ de triennali, à n. 2408. quibus prænotatis:

<sup>2433.</sup> Quæstio est, an una Ecclesia contra aliam præscribere valeat, & quanto tempore? videtur enim quod non; quia privilegiatus regulariter non utitur Privilegio contra pariter privilegiatum; cum ergo quælibet Ecclesia gaudeat Privilegio, quod contra

*Tom. II.*

ipsum non præscribat, nisi possessione quadragenaria; Ecclesia, contra quam minori tempore (decennali v.g. vel vicennali) præscribit altera, non poterit huic pariter privilegiatae opponere suum Privilegium, vel uti suo Privilegio contra ipsum, utpote pariter privilegiatam; ergo una Ecclesia minori tempore, quam quadragenario præscribet contra alteram potest.

Nihilominus dicendum, valere quidem præscriptionem unius Ecclesiæ contra aliam, sed solum quadragenariam; probatur ex c. ad aures 6. b. t. ubi, cùm inaudisset Pontifex, duas Ecclesiæ litigantes super decimis, quas una earum in alterius Parochia, 40. annis possedit: respondit, de jure meliorem esse conditionem possidentis; quia quadragennalis præscriptio omnem prorsus actionem excludit. Altera vero pars præter dicta etiam habetur in c. Illud 8. eod. ubi rescribit Pontifex *adversus Ecclesiæ, præscriptionem, 40. annis minorem, ab Ecclesia Romane non admitti*, licet quidam Canones comprobent tricennalem. Verum si de præscriptione, & interruptione fuerit mota quæstio, ab utraquè parte testes recipi debent, & si probata fuerit interruptio, præscriptio non tenebit. Similiter inter duos Abbates ortam de finibus contentione jubet agrimensoris definitione terminari in præsentia Judicis, 40. tantum annorum præscriptione utriquè parti servata; ut habetur c. *Quia 9. eod.*

Ex his decisionibus habetur. 1. valere præscriptionem immobilia unius Ecclesiæ contra aliam; 2. non tamen minori tempore, quam quadraginta annorum; excipe casum, de quo num. 2430. ex c. Placuit. 1. b. t. Ad rationem dubitandi n. 2433. 2. cùm dicitur, privilegiatum uti non posse privilegio suo contra æquæ privilegiatum, & eo casu, conquisato hinc inde Privilegio, standum juri communii, id procedere tantum; quando uterquæ privilegiatus in specie concurrit in actu, & exercitio sui privilegii; in proposito autem non datur hujusmodi concursus; sed sola Ecclesia, contra quam præscribitur, privilegiata est, & in specie agit de usu, & exercitio sui privilegii circa quadragenariam præscriptionem, Ecclesia vero præscribens, licet alias in genere pti-

*K k k 2.*

*vile-*

vilegiata existat, ut non nisi quadragenarium præscriptionem patiatur, nihilominus tamen, dum contra aliam præscribit, non exercet suum privilegium, nec ullum jure concessum est Ecclesiæ præscribenti; sed ei soli, contra quam præscribitur, ac subinde merito hæc contra illum privilegio uti potest; quia, propriè loquendo, cum non concurrant privilegia in specie, non concurrunt duo privilegiati, sed ille solus privilegiatus dicitur, qui in privilegiū ad actum reducit, juxta L. ult. ff. ex quibus causis major. sic Abbas in diet. c. ad aures. num. 3. Felinus ibid. numer. 29. & alii.

2436. Præter hæc not. quando in c. illud dicitur: licet quidem canones comprobent triennalem, nimirum præscriptionem immobilium contra Ecclesiæ (intellige Romanæ inferiores) notari, quod datā contrarietate, seu varietate canonum recurrendum sit ad Ecclesiæ Romanam, & tenendum, quod stylus Curia illius servat, c. ex literis, de constit. & c. quam gravi, de crimin. falsi; Canones autem illi, qui etiam adversus Ecclesiæ admitunt præscriptionem triennalem, habentur 6. q. 3. c. 1. & 2. qui hodie non tenent; quamvis saluum maneat, quod supra c. i. statuitur, ut Episcopis, qui locum alienæ Diæcessis ad fidem convertit; intra triennium illum possit præscribere contra aliam Ecclesiæ, de quo V. num.

2437. Not. 2. privilegium, ne immobilia Ecclesiæ minori tempore, quam quadragenario præscribantur, procedere. i. sive privatus, sive Ecclesiæ contra Ecclesiæ præscribat; ex diet. à n. 2434. Deinde etiam procedere de præscriptione immobiliū pertinentium ad Monasteria, Hospitalia, vel alia loca Religiosa; nam hæc omnia in materia privilegii veniunt nomine Ecclesiæ, ut alibi diximus, & constat ex Authent. quas actiones, à nobis relata superius n. 2398. tertio procedere, ne minori tempore præscriptio vim habeat contra actiones competentes Ecclesiæ, vel loco religioso, ex legato, vel donatione facta ad piæ causas, ut constat ex ead. Authent. quas actiones, aliud est de bonis Ecclesiasticorum, non Ecclesiasticis, sed patrimonialibus; nam privilegium istud in hac materia concessum Ecclesiæ, ea-

rumque bonis, non extenditur ad personas, nisi ratione bonorum, quæ Ecclesiastica sunt; non, quæ præciæ Ecclesiasticorum sunt; sic Abbas in c. Sanctorum b. t. n. 6. & alii.

Not. 3. quandoque fieri, quod jus commune resistat præscribenti, & assistat contra illum agenti; quandoque autem resistat quidem illi; non assistat tamen isti; & tali casu dubitari, num exceptio præscriptionis, agenti v. g. petitorio in causa decimaru, ritè ac legitimè opponatur? Sed hanc questionem resolvimus superius.

Not. 4. Privilegium Ecclesiæ Romanæ (quod contra ipsam non procedat, nisi præscriptio 100. annorum) intelligi de præscriptione, quæ directè, ac principali ter tendit ad præscribenda illius bona; non autem solum indirectè; puta, si contra Usufructuarium, qui jus utile habet in bonis Ecclesiæ Romanæ, salvo jure directo hujus; sic gloss. in c. ad audientiam i 3. h. t. V. Principaliter; & Abbas ibid. num. 22. nam in tali casu sufficit præscriptio temporis ordinarii, cum non sit contra Ecclesiæ; aliud est, si quis ex bonis alterius jus haberet nomine Ecclesiæ Romanæ percipiendi censem annum; nam in hoc casu non procedet præscriptio, nisi centenaria; sic enim laderetur directè jus ipsius Ecclesiæ Romanæ; & de hac agitur diet. c. ad audientiam.

## D U B I U M V.

*De tempore, quo præscribitur adversus Principem, vel ejus Fiscum?*

A d hujus questionis resolut. not. quin. 2438. quæ communiter statui classes bonorum Principi competentium. 1. quæ illi competunt in recognitionem supremæ ejus potestatis: & hæc nullo tempore præscribi possunt; ut dictum est supra n. 2313. 2. quæ ipsi ratione dignitatis, & specialis prærogativa reservantur. 3. quæ sunt annexa corona Regni: 4. quæ pertinent ad Fiscum Principis; 5. quæ ipsi, ut privatæ personæ competunt; sic Covarr. in Regul. Possessor. p. 2. Q. 2. n. 7.

Not. 2. ex bonis Principi competenti bus ratione sua dignitatis, reservata quædam esse, quæ Princeps nunquam commun-